



Sa skupa u Sarajevu

SARAJEVO: MEĐUNARODNA KONFERENCIJA POSVEĆENA MLADIMA

Razmjena praksi u zapošljavanju

U Sarajevu je održana dvodnevna međunarodna konferencija na temu "Program Garancija za mlade kao prevencija nezaposlenosti mladih". Konferenciju su organizovali Agencija za rad i zapošljavanje BiH i Svjetska asocijacija javnih službi zapošljavanja (WAPES). Skupu u Sarajevu prisustvovao je pomoćnik direktora ZZZCG David Perčobić. Direktor Agencije za rad i zapošljavanje BiH Muamer Bandić naglasio je da zapošljavanje mladih, kao jedne od ugroženih grupa na tržištu rada, predstavlja izazov za sva regionalna i nacionalna tržišta rada.

"Sve javne službe za zapošljavanje veliki dio svojih ak-

tivnosti usmjeravaju na povećanje zapošljivosti i zapošljavanje mlade populacije. Upravo, zapošljavanje je najvažniji preduslov za kvalitetan i dostojan život i napredak mladih u svim državama", istakao je Bandić.

Cilj konferencije je razmjena najboljih praksi u zapošljavanju mladih među zemljama članicama WAPES-a, s posebnim akcentom na transfer iskustava i praksi u zapošljavanju mladih u Evropskoj uniji putem programa Garancija za mlade. Konferencija je prilika da se uporede raznovrsne mjere, uticaji koji na definisane mjere imaju politike, odobreni budžeti, sistem obra-

zovanja, sistem rada službi za zapošljavanje... Tokom dvodnevne konferencije predstavljani su dosadašnji rezultati i iskustva u provođenju mjera za zapošljavanje mladih, s naglaskom na program Garancija za mlade koji se sprovodi u Evropskoj uniji. Na konferenciji su učestvovali predstavnici službi za zapošljavanje Austrije, Azerbejdžana, Belgije, Bugarske, Crne Gore, Estonije, Francuske, Hrvatske, Kine, Mađarske, Slovenije, Švedske, Turske, kao i predstavnici entitetskih zavoda za zapošljavanje, zavoda za zapošljavanje Brčko distrikta BiH, te predstavnici kantonalnih službi zapošljavanja.

ZA LICA SA INVALIDITETOM 910.607 EURA

Grantovi za 15 projekata

Zavod za zapošljavanje raspodijelio je bespovratna sredstva u iznosu od 910.607 eura za finansiranje 15 projekata zapošljavanja lica sa invaliditetom - grant šema.

"Ovim grantom postigli smo i cilj i metu, usmjerivši sredstva za projekte sjevernim opštinama. Ispostojali smo Vladinu strategiju razvoja sjevera, uzeli smo u obzir ukupan broj lica sa invaliditetom i broj nezaposlenih osoba sa invaliditetom na sjeveru", kazao je, prilikom potpisivanja ugovora, direktor ZZZ Suljo Mustafić.

Iako smo u početku, dodao je direktor, imali bojazan da neće biti kapaciteta za izradu projekata desilo se suprotno. Sti-

glo je 60 projektnih predloga, od kojih su 52 ocjenjivana. Zbog ograničenih sredstava, finansira se samo 15 najboljih. U okviru projekata, biće uključeno 146 lica sa invaliditetom, od čega će 86 lica biti zaposleno tokom trajanja projekta, a 32 lica sa invaliditetom će biti zaposlena nakon završetka projekta, u najkraćem trajanju od šest mjeseci.

"Ukllopili smo se u Vladinu nastojanja da se podstakne razvoj sjevera i podjelu ovog granta smatramo doprinosom Zavoda za zapošljavanje u tom pravcu. Grantove za sjever očekujemo i naredne godine, kada će biti više sredstava", naglasio je Mustafić.



BEMAX

